

## BASERRIKO JAUN BATEN BIZITZA GOZOA

Gogaitu ta asperturik erri aundietan  
 Nun egon izan nazan gazte urtietan  
 Bizitza gozorik an ezin billaturik  
 Baserri onetara nago biurturik.  
 Emen jayo nintzan ta baita bere azi  
 Zartzaroan atzera oraiñ naz etorri.

Egiaz urietan dagoz gauz aundiak  
 Zeintzuk niretzat ziran len zoragarriak  
 Oraiñ obeak emen ditudaz ikusten  
 Pentsetan dodalako beste modu baten  
 Gaztea nintzanetik zartu nazanean  
 Izatean dagozan gauz oen gaiñean.

¿Zêr nekutsazan nik an? gizonaren lanak  
 Emen ikusten dodaz Jaungoikoarenak  
 Orrešék aztertuten zoro oi naz jarri  
 Diralako benetan danak arrigarri,  
 Berak bakar bakarrik bestek ezin leikez  
 Gauza miragarririk ez da egin berez.

Zelan ez dituezan nik lako begiak  
 Euren adimentuan gaur nekazariak;  
 Uriko gauzaz oneek dira arrituten  
 Emengoak uts legez jakez iragoten  
 Ta ara askotan doaz erdi zoratuak  
 Ikustera, eukirik baserrian obak.

¡O ene baserriko bakartadechoa!  
 Zu zaitut neure poz ta atsegiñ osoa,  
 Nire adimenaren eskola aundia,  
 Arimako onaren leku egokia;  
 ¡Sentidu guztientzat ze gozagarriak  
 Eskinten deustazuzan nozik beiñ barriak!

Tint askok uste dabe ez dala neguan  
 Baserrian zer gozan uriko onduan:  
 Orduan dakustaz nik ereiñik aziak  
 Udan emon dalezan ale ugariak,  
 Edurra barriz bada zerutik jausiten  
 Derichat dagozala koipez gozotuten.

¡Nun da udabarrian ikusgei aiñ onik  
 Urietan nik emen dadozan lakorik!  
 Zelako lora polit usaintsu ederrak  
 Zoragarriak oso! baldin an gizonak  
 Jarten badauz begiak gogo ta zentzuna  
 Topauko dau ugari miraritasuna.

¿Zer dinot zér elduten danean udia?  
 Alde guztietara au da pozgarria,  
 Zenbat orripechotan fruta eztsuak  
 Dakustaz gorde nairik lotsaz mordochoak  
 Geriza, ginda, bardin sagar ta mušikak,  
 Makatz urtsu, mispira eta okaranak.

Laugarren tandarako da uda azkena,  
 Biotzak gozan daian au ez da charrena  
 Ikusirik batuten ale ugariak  
 Mundu guztiarentzat onetsigarriak,  
 Gaiñera ordaindurik nekazari lanak  
 Arrastaka izerdi botariko danak.

Gauza asko oraiñdik dodaz gozagarri  
 Landa zelai berdeak ibillteko toki  
 Itzal otzaroetan aiše mee gozotan,  
 Ur bizi mueta asko iturrihoetan,  
 Eizatzat erbi asko, arraintzat sarbuak,  
 Goiš iratzarri nadin chorien kantuak,

Eta gabetan barriz illargi argitan  
 Begiak josten ditut zeru urdiñetan  
 Gomutaurik euretan Jaungoikoa dala  
 Guretzat aiñ ederrak egin zituzana:  
 Gogamen onek pozez danan zoraturik  
 Lo gozo eztsuan jarten naz etzunik.

Beste bat bere badot emen gozamena  
 Urietako askok artuko leukena:  
 Lotsa aundi bat deuste guztiak auzuan,  
 Klean aintzakotzat iñok ez ninduan,  
 Jauna danak diñoste chapelak erantzi,  
 Ill arteraño emen gura neuke bizi.

F. ARRESE ETA BEITIA.